



**RELATÓRIU TRIMESTRÁL FUNDU MINA-RAI NIAN**  
**Trimestre ne'ebé termina iha 30 Setembru 2018**  
**KOMUNIKADU IMPRENSA**

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha lora 30 fulan Setembru tinan 2018. Relatóriu ne'e hatudu katak kapitál Fundu nian iha trimestre ikus ne'e mak billiaun US\$17,16 kompara ho billiaun \$16,93 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$79,42 ne'ebé kompostu husi kontribuisaun *kontribuinte* sira ba Fundu hamutuk millaun \$64,27 no pagamentu *royalty* simu husi Autoridade Nasionál Petróleu (ANP) millaun \$9,21 no annual pipe line fee millaun \$5,94.

Rendimentu husi investimentu Fundu nian ne'e hamutuk millaun \$293,72 kompostu husi kupaun no jurus ne'ebé simu mak millaun \$89,86, mudansa iha valór merkadu nian millaun \$226,35 no movimentu cambiais mak millaun -\$22,50 iha trimestre ne'e. Ne'e rezulta rendimentu ba karteira Fundu nian durante trimestre ne'e 1,73% enkuantu rendimentu sasukat (*benchmark*) nian ba periodu ne'e mak 1,73%.

Lei Fundu Mina-Rai nian espesifika katak Jestaun Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala lima nulu resin tolu dahuluk. Diferensia entre portofoliu no pontu referensia hahú husi inísiu fundus nian mak pontu baze 5 (0,05%).

Pontu importante husi Relatóriu Trimestre ba dala LIII, ne'ebé kobre período 01 fulan Julhu tinan 2018 to'o lora 30 fulan Setembru tinan 2018, inklui:

- Kapitál Fundus nian mak billiaun \$17,16.
- Osan kontadu bruto fundus nian tama husi kontribuisaun kontribuinte, realeza (*royalties*) hamutuk millaun \$79,42.
- Osan kontadu líquidu ne'ebé sai husi Fundu durante trimestre ne'e hamutuk millaun \$144,15 kompostu husi millaun \$140 transfere ba Orsamentu Estadu no millaun \$4,15 kobre kustus jestaun nian.
- Reseitas líkidus durante trimestre ne'e hamutuk millaun -\$64,73.
- Rendimentu portofoliu iha periodu ne'e mak 1,73% kompara ho rendimentu referensia mak 1,73%.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili 06 Novembru 2018

**Venancio Alves Maria**  
**Vice Governador**

**BANCO CENTRAL DE TIMOR-LESTE**

Avenida Bispo Medeiros  
P.O.BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: [info@bancocentral.tl](mailto:info@bancocentral.tl)